

ASC Jergina Amateure - ACD Val Badia

Inviato da Jonas

Ultimo aggiornamento martedì 01 agosto 2023

Sabba, 22. otober 2022

N resultat tlêr

Te n domisdé cialt d' altonn él gnü soghé la partida de campionat de 3^a categoria danter l' Jergina Amateure y l' ACD Val Badia. Sön l' ciamp dal palé da San löre él ste la squadra de ciasa che á dominé la partida, spreca incé tröpes ocagiuns. Por udëi la pröma ocagiun dla partida mëss l' publich aspeté l' 17^a, canche l' Jergina röva ala trata che vëgn parada da Ferdigg. 10 menüc dedô, al 27^a, él n sogadú todësch che röva te area y prô la trata, mo chësta vá de püch dlungia porta ia. Al 37^a él indô l' Jergina dant cun n sogadú che röva te area y lascia pié ia na trata piazzada sön l' pröm palo. Chësc iade ne pó Ferdigg fá nia y l' palé vá te porta por l' 1-0. Al 40^a él i todësch che se porta incé sön l' 2-0 cun na trata dl' atacant bel sú dan Ferdigg, do che la defenjiun dla Val Badia á fat n fal y á lascé passé l' palé. Al 45^a él l' arbiter che sciüra la fin dl pröm tēmp, sënza menüc de recuper. N pröm tēmp cun pücies emeziuns.

L' secundo tēmp mēt man cun la pröma ocagiun al 47^a por l' Jergina. L' atacant röva al limit dl' area ladina y lascia pié ia na bela trata a giré, olaché l' 1 ladin ne pó plü fa nia. 3-0. Püch dedô, al 48^a, él l' Jergina che manacia da fá n gran gol sön puniziun. Mo al è indô Ferdigg te tru y insciö ne ti è la squadra da San löre nia da fa ciamó n gol. Al 56^a él n atacant todësch che vá cuntra l' zēnter y lascia pié ia na gran trata, che vá naota a sbaté sön la traversa y spo söl palo. Te chësc cajo él la Val Badia che á albü na gran fortüna. Por udëi la proscima ocagiun mëssun aspete l' 79^a canche l' Jergina röva ala trata cun n sogadú, mo l' portier ladin è preparé y para. Al 80^a él indô la defenjiun ladina che fej n fal y ti scinca l' palé ai avversars, che è bi susc dan l' portier y mëss ma plü mēte l' palé te porta por l' 4-0. 5 menüc dedô, al 85^a, él ciamó n iade la defenjiun ladina che fej n gran fal y perd l' palé. Chësc vëgn tut da n avversar che vá cuntra Ferdigg y tira te porta. La trata dër bela vá sura l' portier fora y vá a sbaté sön la traversa. Al 90^a él l' arbiter che dá 2 menüc de recuper. Al 92^a él Ploner A. che ciafa l' palé te area. Al è bel sú y insciö pol trá te porta por tó demez l' 0 dal resultat. 4-1. Cun chësta aziun él incé la partida che se röva sön l' resultat de 4-1 por l' Jergina Amateure al 92^a. Al è ste na partida cun ma öna na squadra te campo. Na squadra che á mostré na gran cualité de jüch y tröpa vëia da soghé.

ASC Jergina Amateure - ACD Val Badia: 4 - 1

Formaziun ACD Val Badia: 1. Ferdigg Rene, 2. Mayr Marc (dal 64^a 19. Pizzinini David), 3. Kastlunger Mattia (dal 46^a 13. Miribung Alex), 4. Crepaz Omar, 5. Ploner Matteo, 6. Barbolini Florian, 7. Del Negro Roberto (dal 69^a 16. Ploner Alexander), 8. Stampfer Alex (dal 64^a 15. Valentini Luca), 9. Videsott Max (dal 76^a 18. Dallapiazza Simone), 10. Pellegrini Davide, 11. Schrott Felix.

Alenadus: Crepaz Gianni/Hanspeter Graffonara

Proscima partida: La proscima partida vëgn sogada n sabeda, ai 29 de otober, dales 14:30 cuntra l' Prettau sön l' ciamp dal palé da Prettau.